

Альберт Степанов 1937 ий 10 декабрьште Морко кундемывсе Нурумбал ялеш шочын.

Альберт Николаевич Степанов 1948 – 1954 –ше ийлаште Везьшүргө кыдалаш школышто шинчымашым поген. Школ деч вара ик ий наре колхозышто пашам ыштен.

Латкуд ияшыж годымак Альберт Степанов шкенжын икымше почеламутшым савыктен. «Колхозышто концерт» почеламутшо «Марий коммуна» газетеш Валентин Колумб да Альберт Степанов лум дене лектын.

1955 ийыште пединститутыш литературный факультетыш тунемаш пурен. Сылнымут кружокыш уло кумылын коштын.

1961 – ше ийыште пединститутым тунем пытарыме деч вара, журналистике пашашке ушнен. Сылнымут пашаже газетлаште печатлалтыныт.

1961 – ше ийыште пединститутым тунем пытарыме деч вара, журналистике пашашке ушнен. Сылнымут пашаже газетлаште печатлалтыныт.

Поэтын кум книгаже савыкталтын: «Илыш кумыл» 1963 ий, «Сур шинелян рвезылык» 1966 ий, «Колымшо курым» 1970 ий.

Моткоч йöратен Альберт Степанов музыкым. Шке гыч тунемын нотым, возен муру-влакым. Морко селасе редакцийыште пашам ыштымыж годым поснак шуко сылне мурыж дене калыкым куандарен. Пианино, гармонь – тудын кидыштыже модын веле.

Калык коклаште Альберт Степановын кумло утла мурыжо ила.

1964 – ше ий 28 – ше июньышто Альберт Степанович Валентина Георгиевна дене ушненыт. Саша ден Алина икшывышт ача – аван куанже лийын. Изи икшыве – влак вашке ача деч посна кодыныт.

Алберт Степановын үмыржо 1967 ийыште кўрылтын.

«Шуко шонымашыже кодын...»– тыге каласен лишыл йолташыже Валентин Колумб.

2007 ийыште Альберт Степановын 70 ияш лумгечыже вашеш Нурумбал ялыште «Тиде ял – Нурумбал – мыйын шочмо вер!» манын возыман шарнымаш онам почмо.